

拜石山房詞鈔

重刻拜石山房詞敘

蕪塘先生吾友許君邁孫少從受詩學者也先生偃蹇乙科
沈淪下僚卒以簡書中吏議蕉萃于晚歲懂而得歸竟死于
寇有識哀之先生蚤飲香名詩篇深美而閎約五言善者妙
絕時人雖登選樓亦以愧色刻意填詞思旨高迴聲哀厲而
彌長又未嘗不折衷柔厚使人識安雅之君子與楊伯夔唱
和而清轉華妙反復勝邪先生詞卷近無錫有重刻本皖浙
之士求而未過讀者衆老成逝矣遺書如綫邁孫篤念師資
手自讐校覆刻于榆園少陵云今茲弟子亦匪盛顏流離頓
挫夫有所受觀舞劒器吾且爲邁孫賦之光緒戊子冬仁和
譚獻

敘

詞盛於宋代自姜張以格勝蘇辛以氣勝秦柳以情勝而其
派乃分然幽深窅眇語巧則纖跌宕縱橫語峭則淺異曲同
工要在各造其極而已辛已歲汪丈白也見示七家詞選獲
讀蕪塘先生所爲綠秋艸堂詞穆羽均調奇弄迸發深幸竹
垞迦陵而後克有嗣音乃駒光勿勿星紀一周良覲未申瑤
想時結客冬省視來皖始通警欬見其造裏夔遠著語幽微
淩魂自清鶴影能瘦半面之接得慰乎餽飢一夕之譚若醉
乎醕酌坐次出拜石山房詞稟索敘于予予以蟹尊空腹螢
燭微明蘭言眇通藻辭奚飾然而芳艸被阪人知其香鳴禽
在天眾聞其響流連今昔烏能無言夫意以曲而善託調以
杳而彌深始讀之則萬萼春深百色妖露積雪縞地餘霞綺

天一境也再讀之則煙濤湧洞霜飈飛搖駿馬下坡泳鱗出水又一境也卒讀之而皎皎明月僊僊白雲鴻雁高翔隊葉如雨不知其何以冲然而澹儵然而遠也至其興遯無際思來不窮夜雨紅樓秋風白紵鬢絲禪榻之傍淒迷詩夢歌扇舞衫之地振觸酒懷春影鏡中淚痕衫上一聲一咽亦怨亦愁卽其變徵之音多益覺么弦之和寡又況古情橫集遠緒孤牽東泝曲江西經隴水南浮吳楚北陟幽燕懷鉛握槧采九土之異言接席撫塵交四方之奇士敲殘銅斗擊碎唾壺何止賦景蒼茫體物瀏亮爲足拓眼底之屏山酌心頭之井水平冷趣相洽清詞載接洗其淫哇濯以藻麗旣昭藐而蕩氣亦芬芳而悅魂凡姜張清雋蘇辛豪宕秦柳妍麗固已提袂而合唱無俟改弦而更張已僕與先生忝附忘年之交側

聞聲音之道畫苔選譜振遂吹秋顧曲鵲閒賞心弦外與之
味東澤之綺語參石門之香禪雖略解蟲雕頗知狸別當不
以牛鐸之音詫非同調也道光甲午春仲上元蔡宗茂謹敘

拜石山房詞鈔卷一

無錫顧翰萊塘著

仁和許增邁孫栞

菩薩蠻

輕陰閣住瀟瀟雨莫教一霎春歸去
萼杪小紅樓有人樓上頭
卷簾人不見放出雙飛燕
低首自尋思微風動鬢絲

高陽臺

題羽素女兄綠梅影樓填詞圖

折竹敲風幽泉浣雪詞仙合住高樓
暝坐圍鑪疏香飛過銀鉤
凍雲一片寒無鶴只苔陰古石痕
畱傍檐牙瘦影交橫似到羅浮
圖中依約尋詩路記左芬才調
妙句頻授萼底閒吟
萼遍艾蒨忘收新詞譜上銀光紙
問何如綴向釵頭願年

年綠萼開時常侍清游

蘇幕遮

偕蘭厓竹畦游澣谿行荷香柳影中數里不絕竹畦
取摩詰田家詩意作圖余與蘭厓各賦一闕題其上
上栽桑低種芋擬向谿頭跨箇烏犍去纔聽一聲鳩嬾語煙
翠濛濛又下如毛雨竹扉斜茅屋古楊柳陰疏更有荷萼
補水調風吹歌正苦隔巷何人打起青簪鼓

西江月

已過清明挑菜早先穀雨烹茶小桃萼下邠人家會記分錢
白打遺卻翠鈿何處畫檐低墮松釵暝風晴日可來耶剛
折秋千一架

湘春夜月

錦樹林訪卞玉京墓

澹斜陽山棱翠未全
荒堪念櫻拂葵衫瀟灑
道家妝便取玉京私
謚柰松風樓閣仙夢
茫茫看煙橫墓石舊
時題字瘦不成行
鉛華都浣盡問梅邨
老去誰擅詞場瘞後
名鸚鵡總難銷馬輦
春塢一片幽香棠梨
冪雨知柔柔恁處淒
涼還應勝西冷坏土
只游塵飛遠不近繡
塘

點絳脣

步上苔茵湘帶百褶
羅羅水無人結佩自
拾蘭皋翠曲折闌干
倚後新紅退心如醉
熏人萼氣萼也扶頭
睡

浣谿紗

往事思量總惘然
緣何愁緒上睂端
五更殘夢最難圓
淺色羅衣如紙薄
只禁輕暖不禁寒
憐他微雨倚闌干

木蘭鵲慢

題金粟道人小象

誰招金粟影摹繭紙展雅又羨快意生平異書奇士更有名
鵲占取玉峰高處有蒼蘿窈窕白雲遮幽沼曾名春艸小亭
別署秋華 堪嗟鞍馬洛陽街結客滿天涯恁斜日園林隔
江烽火愁聽哀笳未辦一邱埋骨是青山到處便爲家我亦
櫻鞵桐帽只應投老煙霞

南鄉子

秦淮水榭書所見

鵲外聽鳴鳩好座秦淮小畫樓樓上夕陽樓下水回頭人約
疏簾正上鉤 落葉滿銅溝縱有脂香也不流應爲玉關霜
訊早空候帶有風沙出塞愁

高陽臺

題袁蘭邨少府南園春夢圖

穉柳飄煙香莎濕雨玉絲低牽簾紋賸粉零星東風不返桃
魂前塵惆悵原如夢怪當年夢也如塵認闌干色退輕朱尙
帶愁痕 桐廊記得彎環路恁者番重到兀自傷神眉語句
畱能銷幾箇黃昏綠窗縱守羅衾待怕秦篝冷了餘熏正緇
枝一點么紅吹過斜門

清平樂

翠陰如埽衰柳長千道扣上綠窗金了鳥總有閒愁飛到
夫容照影荒渠鏡中蕉萃如余空自朱樓臨水頻年不見雙
魚

滿庭芳

題汪紫珊太守碧梧山館填詞圖

簾額樓雲窗眉畫暝碧梧未老疏煙新蟬乍蛻嘶斷已涼天
吹暹一番小雨桐萼影冑上琴絃移竹榻片時支枕隨夢到
秋邊 俗塵都洗卻惜惜綠暈飛補苔錢看飄來幾葉好替
蠻牋怪底都霑吟翠溟濛處爲有詞仙閒凝竚西南樓角瞥
見月初弦

虞美人

書寄伯夔

短屏只畫瀟湘雨屏底涼如許陰陰芳樹綠窺門便是不看
秋艸也銷魂 未灰心事沈香火獨傍香篝坐秣陵天遠夢
都無聊寄一行病柳帶蟲書

憶秦娥

琴陰淺青琴三尺橫羅薦橫羅薦冰絲未上玉塵一面眼
波冷被霜風翦簾前望斷秋無雁秋無雁擣衣聲裏月華如
練

慶清朝

題葉小鸞疏香閣眉子研拓本

翠帙風吹銖衣月冷碧城人去迢迢小研微凹幾絲猶浣松
膠句取煙魂一片向綠窗展玩似寒蕉銀鉤字芳名宛在茗
玉曾琬 爲念嬋娟多病料生來慧業卽是愁苗暫謫塵寰
何同寫韵文簫只恐秋蛾蹙損黛螺分影舊痕銷傷情處櫻
桃零落疏雨瀟瀟

研刻開匱一研櫻桃雨
潤到清琴第幾弦之句

鵲踏枝

簾額春陰生曉翠一寸銀鉤搖漾如空水春色可憐無可柰

桃萼濃笑楊萼淚 細拾殘香塗粉壘學絮春愁燕子何曾
睡鏡面塵昏如鏡背鏡中人影添蕉萃

沁園春

晚虹同蘭厓賦

極目高空暝色蒼然長虹下垂怪蔚藍天上忽連複道琉璃
雲畔偶倚斜梯雁背風輕鳩邊雨斷卻映遙山翠杳低關心
處怕春晴畫苑乾到萼泥 才人賦後雌霓想縱有知音見
面稀只纖纖如此罽圍易減慊慊似我渴病難醫一氣香煙
同心采縷便化秋鸞不隻飛蓬瀛淺只煩伊橫跨不誤幽期
思佳客

秋日齋居卽事

山閣秋晴葉擁階竹風容易做秋懷荒雲一研分泉洗閒做

元和折腳釵 安茶曰庾詩脾葵萼香刈作清齋車塵埽斷
門前迹只許幽人印艸鞵

菩薩蠻

曲院煙光明一片銅溝幾折流清淺涼透薄羅重芭蕉葉葉
風分來紅影皺細畫銀鉤瘦紈扇不禁秋書成墨亦愁

高陽臺

將游武林畱別楊大春樵

蕭索空囊淒涼短劒東風吹上吳舫小飲離筵春潮綠到津
亭故人攜手河梁別說歸期輒語丁寧指家山一笠浮空翠
樹冥冥而今圓合煙湖夢便蘭成身世不怨飄零怕到鱸
鄉迷離卻又愁醒錢唐好去尋蘇小覆銀沙桺線搓青聽船
孃欸乃煙歌唱入西泠

夜行船

吹過新煙，鬢漸退，砑羅裙記拖春水。寂寂屏空，愔愔琴殘，閒了脂箱粉碓。燕子梁閒同夢睡，阻輕寒一層紗外翠。被篝香銀釭分火，借與薄烘清淚。

望湘人

途中寄羽素女兄暨蘭厓竹畦兩弟

望蒼茫暝色淒黯，暮陰旅愁飛滿。天際短檣搖煙，敲帆翦雨。獨自柁樓斜倚，荷葉跳珠蒲梢戛。玉一星星淚，便荒干芳艸如塵，何似謝池夢裏。除是自家兄弟，料逢迎到處也無情味。作客天涯，況有誰爲知己。廨屋苔荒，湖田石瘦，何日方成歸計。願釣取小鯉，銜書遠溯浙江潮尾。

思佳客

湖樓晚眺

不上高樓望眼遮凭闌今日接天涯
新秋雲似羅衣薄遠水帆如紙
簑斜魚任買酒堪賒湖邊三兩是
漁家鷺鷥只戀枯荷葉不傷前汀
紅蓼萼

高陽臺

爲嚴脩能上舍題西泠載月圖

水碧分雲煙青畫樹嫩晴初上犀鉤
盼到星期涼簪開了牽牛一匳湖水
圓如鏡說死央近也言愁上睂尖翠
冷吳山澹更宜秋西泠橋外歌船去
羨有人波路載月同游笑折荷衣幽
題象筆會按空齋莫戀藤蘿雨恐斜
枝墜向簪頭君姬人香脩有簪萼圖
湖蘋汀好趁烏蓬莫負紅樓題者甚眾

虞美人

新秋漫賦

曲廊敲几平鋪簟一水圍三面可憐閒煞好房櫳卻值荷萼
多病近西風 簷前又上弓弓月晚傷闌干立苑央生小忒
聰明看他水晶眠夢幾時醒

齊天樂

爲華秋槎司馬題北山旅舍圖

寓公門逕幽閒極相鄰段家橋畔屋向猿租樓分鶴住合署
秋聲山館夕陽紅斷看塔影橫斜倚來天半疊腳初黃打頭
落葉一巾岸 生涯莫悵飄轉有明湖煙月付與句管接竹
千竿團焦一笠嵐翠檐閒吹滿蕭疏鬢短勝行旅長途征塵
未浣水石涼邊畫圖先我占

聲聲慢

余與蘭邨往來白下忽忽一載今夏晤於西湖泊舟
荷萼中譚讌竟日視夕陽著山額始各分櫂惟念倉
山伴侶如良甫伯夔皆不在座爲可惜也

葛嶺浮青蘇隄浸碧水鄉小占漚家門外員流柁痕界斷銀
沙人眠孤山涼雨憶吟朋蒼鬢天涯湖邊路老魚鏡底吹聚
蘋萼好浣征衫塵土算睂棱笑展不負年華苦咽冰醪荷
筒香冷重賒銷得雙鬟低拜旗亭句應勝籠紗催客去恁
恩歸櫂日斜

百字令

爲郭頻伽題春山蘿玉圖

西泠橋畔記銀蠶曉送左家嬌妹腸斷荒山蘿玉地碧影淺
分蛾黛雛竹痕斑小桃骨瘦流斷涓涓水春墳依舊蘼蕪吹

上幽翠 是誰生色圖成冥冥煙雨著意添蕉萃香冷冬青
寒食飯沒箇傷心人拜一片殘碑幾行題字扶起斜陽外嘯
鵲何恨爲渠染徧紅淚

一萼紅

游理安夜宿山寺讀良甫伯夔壁閒題句松墨蕭散
自成馨逸渺渺天末賦此奉寄并書示寒石上人

擁層巒有蕭蕭叢竹塵外隱茅庵山氣陰晴煙光朝暮都非
色相能參且縛取松毛作帶寫新詩石壁埽秋嵐破研鈔經
短衣拜佛願借禪龕 偏我遲停吟屐悵天涯孤寄閒訪瞿
曇雲縱無心雪還畱爪故人都在江南聽一夜僧樓涼雨怕
朝來白髮盈簪敲枕未成幽夢鼓已紆紉

甘州

倩家張庵畫辟疆古園圖詞以寄意

悵九龍回首翠模黏門巷隔煙蕪賸荒涼一片亭空無鶴沼
廢無魚牽蘿補屋未忍別移居鐙火天涯夢渺渺愁予當
日尋詩聽社有縑緇皮閣萼竹分區問叢殘几上畱得幾堆
書寫數筆湖山秋意便蕭疏何必倩倪迂家風在故園喬木
好上橫圖

望江南

游餘杭作

餘杭道坐得筍輿過碓紙聲忙流水急縑絲風緊落萼多相
望隔煙蘿
微雨歇山氣冷如秋雙箭幽蘭邨女戴一旗新茗估人收門
巷總清幽

分明畫一幅
輞川圖
亂石疊牆低
見屋飛泉接
筓暗通廚
曲磴瘦筇扶

行曲折轉過板橋西
寂歷枯釵松鼠下迷濛
碧影竹雞嘯溼翠染人衣

鵲踏枝

題席芍階麗姬小影

偏到萼朝萼事改
小苑春陰黯澹如秋黛
錦瑟塵空金雁壞
有人自製名萼詠
脂盞睂圖如有待
罕地簾紋暈上生生
翠斜日闌干應閣淚
桃魂縱去心香在

湘月

題伯夔與漚爲客圖

浮家計好載筆牀
茶竈小艇如葉煙水茫茫
誰是主差勝天

涯作客細舫搖雲圓蓬畫雨蘆暝飛秋雪閒漚兩兩相逢何必相識 今我久已忘機水天閒話歸去尋簑笠船尾西風潮欲上吟瘦一枝黃蘂紫蟹爬沙白魚吹浪網倩婁奴織隨他浩蕩江頭豈有離別

浣谿紗

小閣春寒近更添東風輕拍澹紅簾海棠絲外雨廉纖 鎮自無言常脈脈未曾有病卻慙慙綠塵飛上水精匳

壺中天

謁蔡中郎祠

叢祠江上認一行飛白題伊爵氏尺土階前甘下拜手薦谿頭芳芷書付公孫名遺元歎貌類張平子漢廷卿相憐才畢竟誰是 依然千里青青門前艸色知己悲長逝萬卷丹黃

教弱女小謫淒涼身世爨下焦桐亭中椽竹都入傷心史思
公有淚溼衣多似鉛水

平韵滿江紅

謁曹娥廟

落日停橈正一片寒潮欲來尋黃絹夕陽門外三尺殘碑班
竹江心紅淚冷幽蘭階下綠霜摧儼明璫翠羽展珠龕低黛
眉 醺椒醕洗銀鬢看畫壁拂黶煤想水精眠夢幽人未歸
怨曲乍聞蠻柱急靈風先展繡旂開又迴帆撾鼓噪神雅將
暝催

喝火令

乳燕偎香臥嬌鶯坐柳慵一春人在藥煙中小病沈沈殘夢
又恩恩 螺子睂痕減蟬紗鬢影鬆玉壺香唾可憐紅憶汝

闌干倚徧碧玲瓏憶汝春衫瘦骨寒近落鸞風

滿庭芳

竹鑪山房題壁

松雨纔過桐棉尙溼禪扉當晝悵悵迴廊磬折柱礎石苔侵
彷彿山人圖卷秋堂掩分外幽深還疑是夢中曾到屐齒又
重尋 僧寮岑寂處看青如罨畫綠愛眠琴況九龍排闥嵐
氣微陰怪有煙痕飛白脩篁裏驚起鳴禽須聽取泉浮蟹眼
瓦銚煮秋聲

醉江月

夫容湖舟中

波平岸迴看秋漪皺玉鱗鱗吹起好向水香多處住柔艣一
枝搖曳柳拂斜絲蘋浮嫩葉綠罨吳船尾輕帆分暝疑從鏡

裏飛遞 晚風吹上涼潮三篙新漲小雨生沙
背惹起閒漚 明似玉點破半湖煙水一角疏林
幾圍矮屋指點魚鰕市笊簪挂處夕陽尙映芳
汴

解連環

憶舊游寄伯夔

涼琴露帶早一箇秋意西風驚碎記舊時同訪迴塘正演瀟
菱絲綠牽沙尾短篷曾吟破滿湖空翠賸似曾識我拍
拍輕漚遠渚飛至 漁邨有許風味那浮家舊券莫便輕棄
問幾時重返江鄉載詩卷漁筒扁舟煙水彈指湖山能銷得
幾番吟醉且須看荒干柳色者般瘦矣

一萼紅

題友人林屋吹笙圖

對清尊說故園林岫到處隔風塵
橘柚團香松篁寫翠曾攜
絕世幽人不怕天寒裏
薄炙銀簪正好傷朱脣
小凭檀肩微聞蘭氣一晌溫存
七十二峯遙望似髻鬟低亞
眉黛初皺
蒼鶴書遲青鸞鏡掩可憐
窈窕層雲昔日高煙石屋題字在
招石舊吟魂只恐蕭蕭也愁易近黃昏

南樓令

湖上探梅

橋接路三叉
蒼寒水洗沙
疏疏翠墨點棲雅
微雪忽明松外
間吹幾片玉梅
零纖手整金釵
看簪綠萼華而今身寄
梵王家
折向幽龕先供佛
銅盞插一枝斜

思佳客

春日出游

雨過郊原綠漸蘇
不辭蠟屐破平蕪
人家處處炊煙起
浮出春山翠一觚
乾鵲噪乳鳩呼如聞好鳥喚
提壺青帘挂在垂楊裏
不識邨中有酒無

前調

艸軟沙平未覺遙
滿谿春漲不通潮
差差水似羅裙褶
莫試吳孃快剪刀
編竹柵架藤橋
籬門三面碧周遭
一堆細浪吹魴婢
正值牆頭墮餅桃

木蘭夢慢

碧社湖阻風有懷楊二子山

水天思舊侶
移短櫂泊煙汀
聊寄贈蘋蓼
明漪照影冷
到秋心賸有幾枝垂柳
傷離亭猶解結淒陰只合孤蓬獨宿
有誰並舸聯吟
鄉音倦客怕遙聽
又值酒初醒
記夫容湖上漚

沙似雪蟹火如星倚柁自吹橫
遙看蕭蕭落葉下吳陵何日
雞頭菱角尊前一笑相迎

前調

湖光銷黯漁火未涼復拈是解寄同里諸子

扁舟乘一葉潮欲上水平湖正天氣初霜蒹葭搖落沙雁相
呼除是同盟漚鷺便相逢誰念客情孤卻望家山船尾夜痕
似有疑無田廬少日感離居殘葉滿荒渠約幾時結屋長
竿放鬣短艇叉魚鐙火蓬窗暝寫愛古人笠澤有叢書何處
漁謳相荅鄉園隱隱愁予

憶舊游

過蘆區

趁潮荒淺瀨雪換涼漪來賃江船自挂孤帆去聽浪等堆裏

打槳聲圓一路叢蘆蕭瑟秋夢渺無邊有幾縷魚雲幾絲漚
雨閣住遙天飄零舊詞賦悵帶醉閒吟孤負華年莫話淒
涼意似病蟬無力猶唱離筵贏得鬢邊衰綠歸染六橋煙只
同我銷魂後湖官柳疏可憐

虞美人

候秋閨意

淒淒涼月如煙白午夜樓陰直遠山如黛拂殘螺玉雁天高
簾角近秋河鵲鑪火冷灰盈寸自抱頗黎枕下階蘭葉謝
枯香今夜新寒羅袂有微霜

買陂塘

咏牽牛萼

近斜河一窠分種疏萼澹處堪愛過牆竹尾誰家院扶上絲

絲秋翠添嫵媚看風露涓涓疑泣星妃淚涼宵破睡問翡翠
樓高蔚藍天遠幽夢幾時墜香痕瘦不似芳蘭可佩憐渠
秀蔓都脆綠珠碧玉宜相伴更許青蘿爲妹佳耦在聽絡緯
蕭蕭上有蟲嬈配籬根任采和瓜蒂輕黃豆萼微紫浸取洗
頭水

俗以七夕采百藥浸水名爲織女洗頭

喝火令

秋夜聞雁

小坐拋紈扇疏簾上玉鉤碧天雲影夜悠悠試問銀河何事
不東流少睡偏多夢無聊便有愁一繩新雁正橫秋記得
艣枝搖過白蘋洲記得十三等柱人在小紅樓

壺中天

過鶯脰湖

曉雲橫浦寫江天數筆都成秋意渺渺空波浮去櫂十里明
漪吹起淺水生蒲疏煙畫柳小艇秋陰裏涼潮一尺柁痕拖
過沙尾 何時去學天隨蓴鱸鰕菜料理閒生計青紵門前
飄酒字好典綠蕤重貫水鶴孤眠雪漚獨立款我扁舟棧匳
開玉鏡吳山大好煙髻

買陂塘

伯夔邀食鮮荔支同蘭厓賦

問何來閩南珍品今朝得伴尊俎瘴雲蜚雨三千里幾日邊
城飛度晶盤貯看圓比鮫胎應與珠同母楓亭遺譜眞膜似
綃輕膚疑玉潤香氣勝薝蔔 休頻道此是側生嘉樹深閨
恐有人妒榴房酸子知多少無限緋衣醋醋時伯夔謀置側室故戲語及之
風味足叶便齒病添些爲爾拚淒楚海山風露想蠻女銀釵

煙林摘取翠籠盛無數

滿庭芳

題清微道人空山聽雨圖

細雨如絲輕陰如夢瀟瀟聲下銅溝涼侵竹徑餘潤逼香禱
已是梅萼再世餐冰雪占得清幽還重向團蒲禮佛更乞一
生修 人閒當此夕聽芭蕉窗外欲睡還休只情根難懺入
耳都愁誰似空山岑寂伴閒雲暝色高樓銀鈎小書成貝葉
圓暈落鐙篝

鵲踏枝

題握蘭小影

扣扣羅襦情早定香夢纔溫只是愁他醒曉鳩催歸先有信
落萼風裏箏弦緊 張泌妝樓重記省三尺簾波移卻青鸞

鏡只有煙痕吹不盡絲絲綠似吳孃鬢

渡江雲

邗江舟次

一尊京口酒詞人終古蕭瑟例江關此行真萬里西上黃河
何日唱刀鐏蕪城有賦多情甚莫倚危闌重回首夕陽樓角
無限好睂山難刪多少纏綿有病葉娟鵲舊時庭院人乍
去剛逢春社燕子飛還帶圍自減衣棧厚浣征塵酒暈香癡
增惆悵十年如此青衫

浣谿紗

題友人邗江送別圖

咽斷銀簫倍黯然二分明月幾時圓睂樓昨夜有啼鵲芳
艸如煙迷別浦柳絲似夢簷斜川春風回首渡江船

憶舊游

寒食日道出桃源風雨淒其荒原蕭索洵斷魂時節
也隄上偶見桃枝皆著蓓蕾如紅豆因念故園風景
牆角小桃應已爛漫矣眷懷舊游忽忽成夢爲賦此
解

正涼鐙破曉瘦鐸吟風乍展山程一片荒沙白柰過江芳艸
只長愁根待續天涯殘夢野鳥喚行人怕折取鞭絲幾株官
柳栖上征塵關心好時節把杏酪香餠孤負良辰鸞乳如
紅豆判桃鬢嬌小淒斷春魂誰令寒城景物吹暝入煙痕且
問訊江南故園貯得春幾分

壺中天

題潘朗齋師填詞圖

春風象管笑區區摹仿蘇豪柳賦一寸袖中蘭畹彙刻畫銀
鉤蠶尾橋本吹簫步名邀遂總是栽萼地海苔牋小拂時都
帶香氣 堪念騎省清才江南水閣領略閒風味減字偷聲
重按拍詞律研來較細竹翠接涼梅茵坐暝只倩紅紅記天
然秀句風流付與仙吏

風入松

龍城官署卽事

簾鉤敲響玉丁冬惆悵舊房櫳一牀班管閒無用畫湘山十
二屏風淚點纔滋竹色愁根又長蘭叢 雪衣應悔語言工
終日掩雕籠傷心不及鳩呼婦在樓西綠樹陰中檢得飛萼
一片倚闌細咽殘紅

浣谿紗

茶煙

埽得秋聲葉擁爐煙絲又裊晚晴初窗紋簾影半模黏攪
入不嫌等氣冷扶來卻愛竹風疏夕陽樓閣畫難摹

聲聲慢

雨夜

殘沙瘞翠折篠枯聲暮雲一片遙遮冷雨如潮陰陰不隔窗
紗添成十分清苦稱今年此夕天涯上簾衣碎白淒迷落盡
蘿萼忽訝河流吹到聽波濤喧枕淺欲平階佛閣無鐘麗
譙鼓已三過蕭邑相傳鐘鳴則黃河水溢故無鐘聲短燭爲誰飄淚照征人夢
裏還家聽未得聽瀟瀟先愁鬢華

拜石山房詞鈔卷一

拜石山房詞鈔卷二

無錫顧翰兼塘著

仁和許增邁孫梁

賀新涼

停車浦上信步入野寺中見壁間畫竹題我有小亭
深竹裏不如歸去聽秋聲之句

袞袞紅塵起卸征輦夕陽古道天涯行李野綠入門修竹合
隙少一袈裟地換滿壁脩脩涼意若果山僧秋許乞貯秋聲
一片行囊底看畫燈比香燭悠悠人海身如寄問他年閒
園半繭何時料理聽雨聽風聽未足更聽濤聲萬里便歸去
征衫重洗蘿屋三閒亭四角好深深築向蒼煙裏人世事付
凭几

聲聲慢

眞州夜泊

小橋斜日斷浦西風柳絲只綰愁陰翠影浮睂山尖石塔煙
橫好把短蓑兌酒犧孤篷莫趁郵程夕陽路人家隔澹收起
魚罾 莫悵寒漪千里且輕裝歸去不負初盟漚夢近來圓
未淩邃吹醒似有濛濛雪意漾銀沙一片空明蘆絮外正江
船涼白上鐙

鵲踏枝

船泊邵伯湖有懷秦朗山

憶昔津門同伴去襪被舟中一見心相許衰柳枯荷圍斷墅
催詩只聽迴帆鼓 爲訪江頭曾泊處水驛叢祠依舊藏雅
樹少箇蓬窗人共語翦鐙自聽瀟瀟雨

臨江仙

潤州舟次

黯澹江雲天欲暝，海門催上新潮。佛狸城外買輕剡，便無風起已涌浪。鸞高。今夜壚頭拚爛醉，薄寒可典青袍。酒樓紅影一鐙搖。打篷落葉又，誤雨瀟瀟。

國香慢

題吳餘山小梅華庵圖冊

鶴老江城聽蕭蕭煙話似帶潮音

餘山久客揚州

書巢結來如斗綠

上蘿陰自做六時清課有新詩樹底閒吟鸞圍佛廬小只恐微熏破了禪心落枝多綴玉論蕭疏鬢短總不宜簪寒雲滿眼故園芳訊銷沈空戀二分明月惹殘香染徧羅襟荒庵堪再葺一櫂蘋汀好遂幽尋

聲聲慢

秋雨庵夜坐

窗縈蛛網壁篆蝸涎苔痕印上迴闌爲借琉璃佛火獨坐更
殘堪憐抱煙倦鶴向西風似我衣單簾影外綠堆松髻疑繞
家山 欲問天涯消息柰愁吟酸楚身寄江干小雨流雲空
榻半住新寒吹下井梧敗葉掩閒門如聽驚湍秋竹杪浸冰
魂涼月一丸

風入松

清綺詩堂題壁

綺琴三尺玉絲長十載奏清商離人心似當風葉怕蕭蕭易
近秋涼衣補一方慘綠簪抽幾點吳霜 家書函後墨斜行
色淺蠟分黃短屏圍處深深坐愛圖中活脫江鄉擬戴圓煙

笠子酒船櫂入楓香

水龍吟

鄺湛若天風吹夜泉研

是誰繭足幽荒一圭製出新蕉尾麋丸欲試當時瘴墨幾絲
猶膩天籟如暗秋泉暗蓄玉沙難洗想翩翩英妙美人帳下
編赤雅分行記定共奇香十賚伴瑤琴同來福地詩成脫
手弓衣繡徧橦鸞隊裏會倚牙旂李波小妹石能言未料沈
湘去後一雙鴝鵒淚如鉛水

臺城路

題陳松泉煙雨歸耕圖

道場山色橫圖裏天涯不如歸好杏蓓邨頭桑稊陌上簫鼓
社公迎到催耕曉了正雨後泥鬆一犁春曉茅屋炊煙早先

初日上林杪 何須買田陽羨有百弓下吳始種杭稻水碓
聲忙縑車風緊我記苕谿幽樾相逢休笑做識字農夫儘堪
終老楊柳陰中飯香黃犢飽

浣谿紗

題西湖載酒圖

百頃風漪鏡面寬 水心亭子曲闌干 幾時細雨不多寒 昔
日湖山如畫裏而今眞向畫中看 何年重上四宜船

虞美人

秋夜書所見

夜靜隔簷聞步屐 似見亭亭立 風鬟霧鬢是耶非 只恐木犀
香露溼秋衣 檐前墜下梧桐葉 心性由來怯 月明如水水
還空 嬌影翩然何處覓 驚鴻

湘春夜月

題龍女牧羊圖

海山低白煙幾點依微鷺見雨族驅來水霧溼綃衣欲折珊瑚鞭起柰凝雲不動艸碧淒迷縱方諸作鏡紅妝慘澹嫁便須囁風鬟看綽約簪抽涼玉怨比湘纍羅襪淩波又誰如
水精眠夢謠詠蛾眉鱗鱗魚媵恁龍堂難寄書回待緘就珍
珠密字悵洞庭霜樹舊日寒聞

浣谿紗

感舊

手卷疏簾上玉鉤林園過雨似新秋生綃團扇綠衣襟未
便背人通一語如何竟去不回頭隔粵微見眼波流
水榭風來度暗香蓮萼漏滴玉壺涼夜深多少睡死央
脉

脈芳心含豆蔻遲遲纖手遞檳榔而今始悔不能狂
粉靨猶堪認舊題那拚溝水各東西羅帶怕染落鸞泥芳
艸無情三月算翠鴿多病一春噉蜀江愁黯碧玻瓈
淒絕空廊子夜歌華年錦瑟悔蹉跎依然照壁舊銅荷
篋裏衣裳渾未澣班班圓暈在秋羅淚痕應比酒痕多

鵲踏枝

嚴九脩能臥病梁谿隱几東郭其壻鄉也藥鑪經卷
病亦不惡余適歸自邗江脩能以詞柬余念西泠舊
游蕉萃婉篤余亦浪迹淮海頗不自聊有不能已於
中者爲賦此闕以荅其意

白舫青尊游冶伴多少閒情付與閒歌管煙水西泠春夢斷
羅襟怕惹飛鸞感小病經年風景換煮藥香中簾子垂垂

暗一樣飄零塵路倦
鬢絲試較誰長短

木蘭粦慢

送脩能歸苕谿

艸堂詩未就人將去
酒初中怪分手今番粦前雁後直恁
恩恩買得輕舟載夢挂斜帆
卻趁試鐙風何處悠揚水遽新愁
吹滿睂峰相逢盡道帶圍鬆
惆悵向來工料玉孌湖上梅
緘香圻要綴釵叢謂君婚人香脩
兩地情絲牽惹算春蠶也是可憐
蟲我擬浮家苕霅摹伊煙水清空

鵲踏枝

元旦

旭日初晴光照牖
帖子宜春吉語新
書就不願積金高至斗
一年好事詩千首
竹要平安粦要壽
竹北粦南人與天長

久折得梅枝香在手金尊勸飲屠蘇酒

減字木蘭萼

春光有幾一半春過春病裏睡起無聊乍許凭闌酒力銷
落紅幽院那得愁人腸不斷艸艸年華纔見梅萼又棟萼

百字令

萼朝

恨乏千金與羣芳爲壽盈尊且飲擬倩仙人殷七七齊把春
魂催醒杏靨纔勻桃鬟尙小最薄梅萼命冰霜摧挫冷香枝
上飛盡 此後墮溷飄茵升沈未卜天意高難問要得玉人
親手折須傷紅樓開近若說裁詩憑伊作骨也有吾儕分朱
旛低護風姨莫便吹損

烏夜啼

春去太匆匆恨重重料想落鵲不共水流東
湘簾下銀鉤
挂舊房櫳拾得殘絨一縷可憐紅

月華清

題子山孤山載鶴圖

淺澈沙明平橋波闊短橈何處輕檣涼月粼粼吹皺一匳煙
水倩吳娘蕩入明漪人坐玉壺心裏閒倚只白漚三兩恐教
驚起 無限生涯蕉萃待寫向湖天別饒幽思蘆葉蕭蕭飛
上一襟吟翠喚林逋雪夜詩魂攜倦鶴與秋同載無寐聽鶯
洲遺譜遂聲吹碎

百字令

秋陰

淒陰一片向遙空閣住欲晴還未秋到無光眞慘澹盼斷夕

陽天際低坐昏雅高飛新雁都沒蒼煙裏鼓樓梆角暮愁又被催起 若論遠近關河沈沈如夢愁也難迴避惟有江船吹簫去老我鱸鄉橘里縹緲雲沙溟濛水竹覓句敲帆底釀成蕭瑟黃昏雨又來矣

風入松

寄良甫

人間流落庾蘭成詞賦怨飄零濛濛煙樹冥冥水隔江南第幾層城豪氣銷磨劍鼻客塵堆上衣棱 小窗一角貯秋深寒意夜飄鐙階前落葉風吹聚蕭蕭總帶離聲料得倚樓長簫淒其今夜吟情

臺城路

帆影

晴漪十里明如鏡一痕低度雲影晚色模黏波光澹沲畫出
湖天離恨危橋路近看葦隱青疏蓼迷紅冷水國寒添飛來
葉葉墮幽暝夫容湖上茅屋浮家何日遂終老漁隱柁尾
拖煙梔梢倚月伴我蓬窗孤凭江天風靜正沙渚陰陰昏雅
斜趁暗拂涼莎不教漚夢醒

前調

鴈聲

西風人去郵亭算離心先被吹遠小艇鳴榔孤篷貼篷迸入
疏鶯古簷橫塘夜半惹煙外淒音更添幽怨欸乃吳歌船嬾
羅袖倚窗倦斷魂何處行客幾回敲枕聽愁臥江館水竹
敲詩蒼蘆夏夢涼雁一聲驚喚漁邨酒幔正乙乙搖來十分
清輓櫂入楓橋好隨江路轉

清平樂

秋夜闌意

迴廊悄悄簾月疑秋曉幾朵涼鸞如鈿小倒挂收香么鳥
無言獨上西樓窗前斜倚秦箏今夜銅壺清漏聲聲滴在心
頭

漁家傲

舟泊太湖望洞庭諸山

暝色空蒼雲欲化遙峰歷歷如殘畫低映山莊秋樹罅新紅
亞橘枝染出吳霜下 聖女祠堂何處也蕭蕭應有風吹瓦
星斗高寒煙燒怕鄰船話前頭帆影如奔馬

一萼紅

艮甫買舟來越晤於湖樓絲雨迷天移尊酒相對各

賦一闋以慰旅懷

倚斜門隔幾行斷柳秋水坐移尊誰省湖邊蒼茫煙樹無聊
還有詞人看一葉飛來小艇向波心雙槳蕩漪淪細雨如絲
輕陰似墨又近黃昏 莫著浮名相累把等閒歌吹換了征
塵沙社盟寒鱸鄉夢杳天涯秋已平分看沙渚蘆花嫩白比
西風鬢影帶愁痕江潭路任教蕭瑟休愴吟魂

調金門

秋宵有憶

銅鋪闔月色乍移窗格透過清輝方一冊棱棱如界畫 砧
杵誰家巷陌簫管誰家第宅隔著銀牆疑不隔夜涼等影白

沁園春

爲李白樓題寇白門小象

手石山房言金卷二
匹馬歸來非俠客耶嬋娟美人看絲絲鬢影蟬紗微側纖纖
眉樣螺黛猶皺紅豆裁詩黃紵入道舊院荒涼若箇存秦淮
路說寇孃重見無限銷魂不須懊惱前塵算朱邸難忘舊
主恩念江山此際初經劫火樓臺當日重認巢痕夜月丁簾
春風甲帳瘦到香桃病幾分添惆悵只一行疏柳白下斜門
鵲踏枝

吳江舟次

竟日移舟簪影外蟹舍魚莊江景偏瀟灑浪說秋風歸計遂
蒹蘆上市無錢買柳絮飄零終不悔化作浮萍萍又隨流
水只有圓荷珠露墜分明畫出青衫淚

高陽臺

過下邳

艸艸離亭勞勞行客和愁歇上征輦山額棲雲宛然恨鎖眉
端人煙寥落逃亾後有蘆簾竹屋家近河干偏開門野水無
漚直恁荒寒故侯斷碣尋銀字想當年圯下黃石書傳臥
柳蕭疏矮橋橫泊漁船鴛軍圍處偏成陣畫斜陽醉墨初乾
更催人涼暝沙頭添倍淒然

思佳客

綠樹陰中閉畫門敲斜金雁一箏塵烏絲格子紅絲研小字
雙鉤仿洛神香乍熟酒微溫滿簾鸞氣作黃昏西南樓角
纖纖月認是吳孃指甲痕

滿庭芳

梨萼落盡好夢難成悵望空枝感而有作

竹檻愁煙蘭橈染露小紅亭子依然牆東一樹不見粉嬋娟

手石山房言金卷二
記得迷藏鸞底到深宵忘了春寒湘簾外絕無人影十二曲
闌干 風前播鬢改向華嚴劫後重問情禪看綠陰陰地悟
到前緣彈指韶華有幾好春暉都付嘯鶻畱題在淚痕猶溼
不共墨痕乾

百字令

重過碧社湖感舊

烏篷當日記閒盟漚侶曾問幽浦十畝疏香爭透水隔斷南
湖煙渡翠帔相扶紅衣欲蛻單舸尋秋路明蟬墮影滿身都
染清露 那便夢隔雲波魚莊蟹簍零落今如許不信繁華
容易散只有寒潮今古髡柳荒橋枯荷廢苑野曷西風語何
年此地一蓑來臥煙雨

昭君怨

感白門舊游借伯夔同賦

記得玉纖送酒春色梨渦先透簾影月西斜未還家
贏得小窗孤悶依舊碧綃香潤蠟淚滿金銅是愁紅

同作

楊夔生
伯夔

記得榴裙翻酒暝傷香篝熏透容易夕陽斜
泰孃家幾日薄陰愁悶不是新晴清潤秋錦小房櫳雁來紅

百字令

爲楊二子山題雪豔圖

素春亭閣記斜柯綴玉夜雲吹白曾共闌干偎絳袖一寸苔
枝同折明月前身春風舊恨合住梅萼國卷簾人獨滿襟都
浣涼雪無言小仁迴廊半鬟香霧樹底亭亭立遮莫人閒
風露冷幽怨玉清淪謫瘦影搖鐙澹香浮夢休更吹橫蘂恐

教驚起一雙翠羽清絕

虞美人

泛舟秦淮

闌干十二雕青玉搖漾晴漪綠夕陽江閣嫩涼添兩岸人家
齊上水明簾笙歌一隊歸來早白袷俱年少楊花飛作滿
湖煙斜趁東風亂撲酒人船

渡江雲

燕子磯

蒼茫江月墮推蓬看危石聳孤屏渾疑江燕立下瞰風濤得
勢欲飛鳴崖根插水巉削處靜影亭亭晴翠溼飛來煙外如
雨滴吳船淒清微波澎夏四舫無言料舟人未醒攜鐵篴
波濤深處且學龍吟空江多少精靈睡只漁歌唱出前汀吹

嫋嫋餘音遠破空明

虞美人

信步入圓覺寺

打頭策策鳴黃葉野曠西風急亂雅歸去翅翎紅只爲夕陽
猶在最高峰意行差喜僧廬近衰艸埋幽徑寺樓敝倒已
無鐘牘有一枝白塔兩三松

瑞鶴仙

游棲霞山寺

雨餘靚埽脩眉影雲根幾多逋峭浮藍樹古搖青竹短疏煙
籠罩寺門深窈問可有俗塵吹到正危峰梳翎小鶴雪羽墮
松杪引我煙霞想如此湖山棲遲真好僧歸甚處裏紅衣
踏來殘照畫出秋聲儼一燈荆關幽橐又吟蟬墜響似磬答

遠嘯

謁金門

霜月冷落葉亂捎銀井天末雁行飛不整秋聲先到枕漏
點漸添淒哽鑪火漸留餘燼開得釭等長一寸歸期應有準
望湘人

秋夜閨意

碧梧陰新蟾瞪目只睨人一點覷破幽暝雲母窗溪水明簾
薄送過半庭鵲影畫菊單衣星前小伫滿襟秋冷下苔階熬
罷心香金盞更添宮餅試看絳角斜河恁鴻飛不到久沈
芳訊書牕能傳畢竟天涯還近隔院吹簫誰家擣練併入西
風一陣且消停烏鵲雙棲索性待他睡穩

賣鵲聲

簾外玉鉤敲簾底無聊怪他燕子不歸巢如此畫梁棲便得
何忍輕拋 薄命是天桃昨日今朝護鸞旛子不多高卻被
秋千紅索影罨上香梢

國香慢

蘇隄晚歸

嵐翠爛班恁幽汀水色不起微瀾只賸幾株疏柳瘦綠堪攀
知了一聲飛去看夕陽冷到沙灣逼眞古圖畫塔指黃妃霜
葉初殷 沿隄歸路晚問逋仙何許放鶴應還高人長往卻
好喚做孤山比似當年西子澹妝梳綰出煙鬟誰解佩璫贈
月上松梢碧玉鸞環

西江月

由拳道中

儘有市聲吹到卻無塵土飛來一谿曲折抱城隈都是鮮鶯
活水沙暝初聞蛤吠日長又被蟬催驛亭依舊柳絲垂添
得幾分蛾翠

百字令

石城憶舊

載愁滿艇恁今番惆悵不堪言別一樣石城橋畔柳寸寸柔
絲吹碧細葛裁衫輕羅製扇割得秋波色漁歌唱晚倚闌猶
想橫簾縱教曲港通潮文鱗六六怎把魚書覓酒到半醒
鐙半炮何減曉風殘月昨日江南今朝江北眼底山重疊無
情流水爲誰終夜鳴咽

前調

舟泊瓜步書寄春樵並羽素女兄

鄉關咫尺怪恩恩別後有愁難寄江上丹楓如舊識款我天
涯行李殘月沈山縣星墮水宿雁驚飛起蕭蕭落葉滿蓬都
是秋意堪羨漁弟漁兄敲鉤結網舟泊蘆花裏偏我船艙
形影隻夢也有頭無尾郭外砧聲樓中鐙火今夜眠猶未料
應屈指計程三百餘里

河傳

江頭夜泊

江影秋暝傷沙汀向晚扁舟不行渡頭月落潮水平星星漁
鐙煙外青孤衾冷伴閒瀝宿憐幽獨不瞑如魚目數巖城
夜幾更聽聽碧雲低雁聲

鵲橋仙

伯夔以織女機絲圖屬題圖以白羅爲地被以紵繡

五色昭爛神光奕奕然閨中所製物也

月高鈿瓦星斜珠網梧葉乍催幽暝明河澹澹欲生煙看遙
天碧分秋鏡 香羅好翦采絲細擘繡罷綠窗風靜夜闌
底拜靈妃乞鴛機一梭雲影

買陂塘

偕伯夔暨秦蘭臺州牧游邵邨

帶平林眉痕淺碧吳山無此清遠斜行白鳥低飛去界破僧
衣一片秋思換怪巾履蕭蕭閒卻蒲葵扇彎環徑轉看三兩
人家竹籬茅舍也有酒帘颭 迴谿畔覆屋蘿萼短短涼陰
十畝先占當窗試凭烏皮几忘了北風雲漢陂水暝正大芋
高荷漲綠新來滿紅塵隔斷只疏柳明邊夕陽漏影一角冷
金縢

風入松

偕伯夔露坐有黃葉一片墮紈扇上

秋光似水漾闌干團扇約新寒亭皋句好渾難畫天涯恨吹
上疏紈堪愛額黃顏色可憐不在睂端 林梢一片下琤然
誰刻小琅玕分明纔著蟲絲裏向風前又誤輕蟬曾記楓江
夜泊蕭蕭聲滿吳船

青玉案

范陽城南有邱一成野萼倒垂綺屬罨澹如釵如旒
余與伯夔往游每采歸以供栢案伯夔詞先成余亦
繼作

故園門徑荒煙隔依舊是城南陌何必海棠鄰院乞斷垣殘
鶯鬢撩眼也自爭紅白 幽香無主誰收拾算有今番秋

士識莫向瓦瓶傷脆折昏昏野氣艸蟲聲裏多少愁顏色

原作

楊夔生

斜陽脈脈含哀麗正人唱旗亭裏猶憶少年游冶地燕昏
鶯曉上津門外萬點淒涼淚 纖羅只把離騷記誤認先
生蘭有蕙冷落疏煙圍斷墅江淹賦後東風多恨吹碎愁
根蒂

登樓怨

登范陽城樓西風乍涼落葉如雨不禁有王粲依人
之感歸度此曲以寫旅懷

亂山圍古堞向暮蟬聲裏獨自登樓葉葉西風故園無此涼
秋幾叢遠樹牛毛細有煙痕綠翦雙眸更淒然似水斜陽併
入寒流 舊游空記省在幽篁仙嶺落木邛溝渺渺平沙天

涯底事句留多年戍壘銷兵火聽哀笳尙帶邊愁最無憀城
角孤琴相見回頭

生查子

小院又秋風落葉敲窗紙蠹葉有蟲書應篆相思字 粉破
淚成行不斷如鉛水滴著海棠零立見愁紅死

虞美人

燭盡樺皮香不活曉色傷心白竹風吹做十分秋添得一聲
征雁墮高樓 幾回敲枕長宵度殘漏分明數錦衾裏了尙
寒侵月苦霜濃天杪有人行

買陂塘

過邯鄲題盧生祠壁

傷叢祠夕陽繫馬紛然落葉堪埽羨伊一霎曹騰裏凡劫銷

完艸艸應冷笑看門外征車十丈紅塵繞朱顏易稿任蠃國
功名鹿墮身世都向夢中老長安道想汝青衫潦倒秋風
失意歸早麟洲小水還無分何況方壺蓬島鬢枕好何借我
游仙便算開懷抱三山縹緲說丹竈難尋黃梁易熟努力且
餐飽

百字令

過漳河訪銅雀臺遺址

寒沙一色訪銅臺遺址但餘荒翠薶火鄴城無片瓦不道離
宮都改橫槊詩豪捉刀氣猛可有雄心在分香賣履柔情也
自如水當年百戰山河金戈鐵馬久已無殘壘千古英風
淘洗盡何況春深蛾黛隴樹西斜漳流東去鬱鬱聞歌吹迴
潮幽咽望陵幾許清淚

踏莎行

咸陽旅次寄懷夢湘弟

渺渺征途行行且住霸愁挂在咸陽樹對牀已抱十年心無
如此夜相思苦 悵望刀環遙聞砧杵長安也憶嬌兒女揮
鞭已過霸陵橋翦鐙只夢巴山雨

南歌子

咸陽旅舍

樹底西窗暗山頭北斗橫烏烏畫角動高城認是誰家玉燧
又飛聲 夜月秦宮鏡秋風漢殿箏淒涼懷古不勝情杳杳
長空塞雁更南征

齊天樂

劍閣

縈紆蜀棧羊腸似盤旋亂山堆裏拔地千尋去天一寸長劍
不知誰倚陰陰雲氣幸塞少丸泥稍通行李眾綠爭門溼衣
空翠冷如洗 孟陽銘尙在否料殘碑橫臥難更扶起驢背
裝輕牛腰卷大得似詩人也未悲風天際聽鈴語郎當如聞
替戾何必張徽哀弦深夜理

滿江紅

棧道紀游

山色雄奇竟不屑與秋爭瘦知費了幾多螺黛描來新就怪
石凹巔藍面鬼老松倔彊蒼髯安更千尋峭壁挂藤蘿蛟蛇
走 複磴上莓苔厚危棧上闌干朽想補天有隙絲絲猶漏
絕壑颼颼風出穴層厓蓊鬱雲生竇要圖成須仗大癡哥丹
青手

疊嶂層巒巴子國竟無平野幾曾見相如負弩公孫躍馬山
勢爭來朝白帝人煙何處通秦塞只劒門塞得一丸泥堪雄
霸還不了驚鸞債說不盡興亡話正子規啼後杜鵑開謝
古墓殘碑秋雨洗神弦怨曲哀湍瀉更荒邨月黑虎夔藩當
深夜

一綫陽光何處望天彭井絡只仰見盤空峻棧虹靄斜東瘦
馬渾如雞上塢勞人盡比猿升木有白雲笑客十分忙巖頭
宿晴漏滴聲冰玉流水響聲絲竹更千條礪併一條飛瀑
橫跨石梁龍露背直衝沙觜虬生角喜筒車旋轉疾於風如
輪速

氈裏繩行算都是陰平古道今纔辨幾峰縣互幾峰通峭嵐
翠濃於青石髓夕陽澹似紅泥竈看一鞭轉過茂林來穿叢

篠 暝色裏昏鴉噪明月裏征鴻叫便三更枕畔還催夢覺
江上竹枝蠻女曲山頭瓦鼓巴人調怪無端清淚忽霑裳孤
猿嘯

漁家傲

翠嶂橫空恣晚眺眼前但怪炊煙少寂歷疏松敲晚照歸鴉
噪虎皮牆裏山神廟 一任西風吹破帽那愁曠野逢剽盜
指點行人喬木杪鈴聲悄蕭蕭匹馬隨飛鳥